

Resous pou Paran & Fanmi yo

OU GEN KESYON?

Kontakte Biwo Evalyasyon (Office of State Assessment)

Eta a nan Depatman

Edikasyon Eta Nouyòk (New York State Education Department, NYSED):

518-474-5902

oswa voye yon imel nan:

EMSCASSESSINFO@nysed.gov

Pou w jwenn plis enfòmasyon:

ALE SOU SIT ENTÈNÈT NYSED A KI SE:

<https://www.nysed.gov/state-assessment/new-york-state-alternate-assessment>

AK

Biwo Edikasyon Espesyal (Office of Special Education) ki se:

<https://www.nysed.gov/special-education>

New York State Education Department
89 Washington Avenue
Albany, New York 12234

(518) 474-5902
FAKS (518) 474-1989




Yon Gid Pou
Paran yo Pou
Lòt Opsyon Evalyasyon
Eta Nouyòk
(NYSAA)



New York State Education Department

Rapò Paran: Rezilta NYSAA Pitit ou a

Lekòl pitit ou a ap voye yon Rapò Nòt Endividyèl lakay ou nan chak domèn yo te evalye pitit ou a. Ou ka sèvi ak rezilta sa yo pou w ka kòmanse konprann pwogrè pitit ou a.



Kisa Lòt Opsyon Evalyasyon Eta Nouyòk (New York State Alternate Assessment, NYSAA) a ye?

NYSAA a fè pati pwogram egzamen ki evalye pèfòmans elèv la dapre lòt prensip reyisit nan domèn Etid Lang Anglè (English Language Arts, ELA), matematik, ak syans pou elèv ki gen andikap nan domèn aprantisaj ki pi grav. Egzijans sa yo vin mwens konplike parapò ak prensip nan domèn aprantisaj yo.

Kisa nou vle di lè n pale de elèv ki gen andikap nan domèn aprantisaj ki pi grav?

"Elèv ki gen andikap nan domèn aprantisaj ki pi grav yo" se ka elèv ki gen kapasite limite nan domèn aprantisaj, met sou limit yo gen nan domèn konpòtman ak/oswa fizik, e ki bezwen yon edikasyon ki espesyalize nan yon nivo ki wo, sèvis sosyal, sikoloji, ak medikal pou yo ka pwofite tout kapasite yo, pou yo ka itil epi byen patisipasyon nan sosyete a e pou yo ka satisfè ak sa yo akonpli.

Kiyès ki ta dwe pase NYSAA a?

Se sèlman elèv ki gen andikap ki pi grav nan domèn aprantisaj ki kalifye pou yo pase NYSAA a. Komite Edikasyon Espesyal la (Committee on Special Education, CSE) gade si yon elèv ki gen yon andikap ki grav nan domèn aprantisaj kalifye pou l pase NYSAA, dapre kondisyon ki annapre yo:

- Elèv la gen yon andikap ki grav nan domèn aprantisaj, gwo pwoblèm komunikasyon/langaj, ak gwo pwoblèm nan pou l adapte l; **epi**
- Elèv la bezwen yon pwogram edikasyon espesyal nan yon wo nivo pou ede l aprann, aplike, ak pataje konpetans li nan anviwònman natirèl yo (lakay, lekòl, kominote, ak/oswa nan travay); **epi**
- Elèv la bezwen sistèm sipò nan domèn edikasyon, tankou teknoloji pou ba l èd, sèvis swen pèsònèl, sèvis sante/medikal, oswa entèvansyon nan konpòtman.



NYSAA evalye pèfòmans elèv la nan: Etid Lang Anglè (ELA), matematik, ak syans

Y ap evalye ELA, matematik, ak syans grasa sistèm lòt opsyon evalyasyon Dynamic Learning Maps (DLM). DLM se yon evalyasyon ki fèt nan òdinatè, ki adapte ki evalye konesans elèv la nan Eleman ki Esansyèl yo. Eleman Esansyèl yo se lòt prensip reyisit ki diminye nan pwofondè ak lajè prensip aprantisaj yo (Essential Elements). Nan ELA ak matematik, yo evalye elèv la chak ane nan 3-8yèm ane ak yon fwa nan nivo segondè anvan yo kite lekòl segondè. Pou syans, yo evalye elèv la chak ane nan 5yèm, 8yèm ane ak yon fwa nan nivo segondè anvan yo kite lekòl segondè.

Nòt

Kisa yo fè ak nòt NYSAA yo?

Nòt NYSAA yo montre ou menm ak pwofesè pitit ou a fason pitit ou a ap pwogrese parapò ak lòt prensip reyisit nan nivo klas la.

Nòt sa yo ka:

- Ede w byen idantifye fòs elèv ou a ak domèn li bezwen ankadreman; **epi**
- Bay enfòmasyon pou pèmèt nou fè konvèsasyon k ap bay bon rezilta konsènan Pwogram Edikasyon Endividyèl (Individualized Education Program, IEP) pitit ou a; **epi**
- Fikse priyorite nan ansèyman yo ki bay enfòmasyon sou objektif fonksyonman ak akademik pitit ou a ak objektif li gen yon ti kras tan pou l reyalize; **epi**
- Idantifye metòd komunikasyon ki pi efikas pou pitit ou a nan plizyè anviwònman.

